



SIUMUT INATSISARTUNI ILAASORTAATITAT / LANDSTINGSGRUPPEN

20. marts 2010

Inatsiartut suleriaasianni § 36 imm. 1 naapertorlugu Naalakkeruisunut apeqqut imaattoq saqummiuppara:

Naalakkersuisunut apeqqut: Suliffeqarfissualiornissamut pilersaarut Alcoa Inc. Maniitsup eqqaani pilersinnqartussatup pilersaarusionsorneqarnerata ingerlaneranut atatillugu qinnutigissavara apeqqutikka nassuiaatigeqqullugit:

1. Misissuinerit sorpiaat ingerlanneqarnissaat siunniunneqarpa pilersaarutip piareersaasionerani?
 - a. Akissutit kissaatigaakka periutsit sorliit atorineqarnissaannik agguataarsimanissaat
 - b. Nassuiaqqullugulu misissueqissaarnerit suut siunertaralugit suliarineqarniarnersut
2. pilersaarusionamut tunngatillgu suliffeqarfiit qassit assigiinngitsut pilersinneqarnissaat naatsorsuutigineqarnerisooq, piginnaasallu sorliissanersut?
3. qanoq ilinniarfissat pisariaqartinneqartut pissarsiarineqassappat?
4. piginnaasat aalajangersimasut pisariaqartinneqartussaananerata, qanoq sulinermit piginnaasanut allanut kinguneqarnissaa naatsorsuutigineqarpa?
5. qanoq eqqarsaatersuutigineqarpat pilersaarusionamut piviusunngortinneqarnissaannut malitsigisassat tamarmik sapinngisamik nalunaarsorneqarnissaat?

(Medlem af Inatsisartut, Akitsinnuaq Olsen Siumut)

Tunngavilersuut:

“*Sunnerneqaatinut misissueqqissaarneq (impact assesment)*” kinguneqartussaavoq “*Sunnerneqaatinik nalunaaruteqarnermik (impact statement)*” pilersaarusionamut Alcoatut ittup taama annertutigisup piviusunngortinneqarnissaa sioqqullugu.

“*Sunnerneqaatissanik misissueqqissaarneq*” Alcoa-p pilersitsivigineqarfissaata eqqaani nuna inoqarfillu kisiisa misissueqqissaarfigalugit ingerlanneqartussaannngilaq. Pilersaarusionarmi pilersitsiviup eqqaani sunniutissai kisimik pinnatik, sunniutissai nuna tamakkerlugu sunniutaasusaammata.

Taamaattumik pingaartorujussuuvoq, malitsigisaanik sunniutit pilersaarummulluunniit toqqaannartumik attuumassuteqanngikkalugit misissorneqarnissaat, assersuutigalugu, avaqunneqarsinnaannngilaq pilersaarutip piareersarneqarluni aallartinneqarneraniit piviusunngorneranut ingerlanneqarneranullu qanoq annertutigisumik ilinniarfinnut allanut ilinniartutigut ukiuni tullerni qulini sunniuteqarnissaa.



SIUMUT INATSISARTUNI ILAASORTAATITAT / LANDSTINGSGRUPPEN

Naalackersuisunummi pissutsit taamaattut nalunngereernissaat aallaaviusussaavoq ukiunut tulliuuttunut missingiutissamik suliaqarniarnermi allaat politikikkut aningaasartuutissat qanoq agguataarnissaat pilersaarusiap killiffiini ilinniarfissat eqqarsaatigalugit.

Misissueqqissaarnermi ingerlattariaqavissut ilagaat “*Benefit Plan*” naapertorlugu misissueqqissaarnissaq. Pilersaarut itisilerpallaanngikkaluarlugu nassuiaassagaanni imaappoq, pilersaarutip sulluunniit taama angissuseqartup avatangiisitigut inuiaqatigiinnilu aningaasatigut kingunissaannik misissueqqissaarluni qulaajaaneq, qulaajaanermi inerniliussat tamanut ammasumik politikerinullu tungnavilersorluakkamik toqqammaveqarlutik sananearfiata qanittuani illqoarfinni nunalu tamakkerlugu aningaasarsiornikkut kingunerisassaannik.